

پنجشنبہ سنہ

نومرد ۲۸

۵ صفر ۱۳۱۴

۴ تموز ۱۳۱۲

ادارہ خانہ سی

باب عالی جادہ منندہ قصبار کتب خانہ۔
سیدر۔ رسالہ یہ متعلق کافہ مشو۔
لیت و خصوصیات ایچون (قصبار
کتب خانہ سنہ) مراجعت اولونور۔

نسخہ سی ۲۰ بارہ در

معارف

طوغار مہر ترقی عرش اعلای معارفدن
اودر تزهتسرای کائناتی ایلین روشن

آبونہ بدلی

برسنہ لک الی ایکی نسخہ سی پوسنه
اجرتیله برار بروجه پیشین ۲۵
غروش استانبول ایچون اداره خد
نہدن آلتیق اوزره ۲۰ غروشہ در۔

نسخہ سی ۲۰ بارہ در

پنجشنبہ کونلری نشر اولونور فنی و ادبی رسالہ

محرری: ابن رفعت ساح

سیله واردر: ائمه نحو یوندن سیویسی ارتحالندن
صکره رؤیاده کورن بر ذات کندیسنه نه حالده
بولدیغنی صورمش. اوده مؤلفاتنده لفظه جلاله
اعرف المعارفدر دیمش اولدیغنی ایچون مظهر غفران
اولدیغنی سویلمش.

مؤذنک بوجوابیه قناعت ایتمنلر امام غزالییه
مراجعت ایدیه بیلیرلر. شارالیه دیرکه.

• الله اکبر خدا هر موجوددن بیوکدر دیمک
دکلدر. وجود حقیقی حقه مخصوصدر. بشقه
بروجود یوقدرکه وجود حق ایله مقایسه اولنسونده
بو آندن بیوکدر دینلسون. هر موجود نور
وجود الپیدر. نور آفتاب آفتابدن بشقه برشی
دکلدرکه آفتاب نورندن بیوکدر دیمک ممکن اولسون.
جنساب حق اوقدر بیوکدرکه عقل بشر آنی
ادرا کدن عاجزدر. ایشته الله اکبرک معناسی بودر!
فرهنک ناصرینک مقدمه سنده تصادف ایتدیکم
• اکر او هست پس جز او هیچ نیست و اکر
اونیست پس این همه هستی چیست؟ عباره سیله
عارف رومینک:

ماعد مه ایسم وهستیهای ما

تو وجود مطلق فانی نما

یتی دخی غزالبانه در.

~~~~~

### رقاصه آسمانی

خیالات شرقیه نک نظر اعتباردن دوشمسی  
اوزرینه شعر مزده اساطیر قدیمیه متعلق بعض  
رنکین فقط مجهول تصورلر کورولمکه باتلادی که:  
معناسی اکلامقده پک زیاده صعوبت حس ایدیلور.

السنه غریبهیه انسانی اولمالانلر بونلرده کی مزایای  
نهفتهیه بتون بتون بیکانه در. چونکه هنوز اساطیر  
اولینک هر قسمی کوستر برکتابه مالک دکلز  
واقعا یونان، لاتین تاریخلری بوکا دائر معلومات  
اساسیه ویرورلر، فقط (مارس) ی (کوپیدون) ی  
سیلمک ایچون معلوماتک بوقدری مرتبه کفایه ده  
کوروله مز. بزه بیوک، مکمل، بر تاریخ لازمدرکه:  
بر زمانلر جمعیت بشریه آره سنده بر نفوذ عمومی  
حائز اولان خرافات غریبهیه لایقيله اوکر نلم!

بوکنسابک بهمه حال برچوق کوزل رسملری  
بولونه جق! مشیمه تصوردن طلوع ایدن بریلری  
اونک رنکین لوحه لری ایچریسنده کوزمزه کوره.  
جکیز، بر طرفده (وهنوس) صاری صاچلری  
آفتاب نو طلوعک اشعه زرتاندن حاصل اولمش،  
متموج برشپال زرین کبی اوموزلری اوزرینه  
طاغیده رق، متأثر بر شاعریک ناصیه حزنی کبی درین،  
درین جز کیرله محاط اولان بر دکرک موجاتی  
آره سندن سمواته یوکسه لک، بر طرفده کوپیدونک  
پنبه شفق بولوطلری ایچنسنده کی حمله آرامنده،

کالر، بیاض یاسمنلر آره سنه کیزلنلرک مینی مینی  
الدرینه زینت ورن سهام سودانی اویناتدیغنی کورو-  
له چک! او حالده که: انسان بویله خیالات علویه نک  
آسمان حقیقته دروازینه اینانه جق درجه ده مست  
استغراق اولاجقده سخنوران زمانک آثارنی طاتی  
طاتی اوقویه جق، بر کره چک دوشونلم!

سزه بویله برلوحه شاعرا به کوسترسه قلبک زده  
مروحه شاعریت یوش، یواش اهترازه باشلامازمی؟  
وقت، سحر! سمواتک اوزرندن لیال ماهتابه  
مخصوص اولان نقاب استتاریینه اوילה بر پرینک

ظلالدن قورتلغه باشلادینی بر زمانده او دختر  
سماونک کردونه مباحاتی آشیان ملکوته طوغری  
قوشار.. قانادلری اوزرنده شعله ریز غرام اولان بدایع  
زاهره دن بر شراره چقمش اولسه در حال مشارق سما  
بتون صباغ اندر صباغ اولور. بر دبره کردونه جول  
نندن نزول ایدر، سحر قوینده، بهار کوزل صاجارنده  
مستتر در. بر سحاب تیره دلدن اللری اوزاده رق  
کاهی اغلغله، موجه زار نغماتی حزن حزن  
اهترازه کتیر مکه باشلار. اوموزلری پنه بر تول  
ایچریسنه کیرلنمشدر، مائی، مهیب کوزلرنده بر رشحه  
تأثر وار. اغلابورمی... اوت! اشته صنایع نفیسه نك  
حامیه روحانیسی، کریه نك تأثر در.  
(مابعدی وار)

این رفعت



### { مطالعه غدای روحدر }

[ مابعد ]

مثلاً طوفان حادثه سی حوادث عظمه دن اولدینی  
ایچون تابو قدر بیک سنه دن بری سلفاً عن سلف.  
خلفاً عن خلف نقل ایدیه کلیور. خرافات یونا.  
نیه نك بایدار اولسنه سببده نظم و غرابلیردر.  
(روادا) وقایع شهره سی مصورا اولان (اومیروس) نك  
سوزلرنك تناقل و شیوعی منظوم اولدقلری ایچوندر.  
بو وقایع صنعت کتابت ایجاد اولمادان اول متداول  
باللسان ایدی. فقط وقتا که یازما سی ممکن اولدی  
در حال قید و تحریرینه شتاب ایدلدی.  
ایشته کتابک برنجی فائده سی علوم و فنونی  
صیاع و تحریفدن محافظه ایتمکدن عبارتدر.

کال احتیاط ایله قالدیردینی کورولیور. بونقاب  
سپهنامه آرایش بهار اولان لائی! لمعه دارک، یالکنز  
ایکی اوج دانه سی میدانده قلمش، سما کویا عربانی  
وجودنی حس ایتشده شرقت صولوق چهره.  
سند آتشین بر نك حجاب پیدا اولیور. (کوبیدون)  
متبسم! شاهبال زرتارینی چیچکلره مزین بر یلبازه  
کبی تهیز ایدرکن بولو طله یاسمنلر سربیلیور.  
بر دبره النده کی تیرحیات براندازی، چنلرک  
اوزرنده ناله کار غرام اولان بر شاعره کینه سنه  
فرلاتیور؛ آرتق شاعر غربانه دوشونورک،  
محزونانه ترانه لر ایجادیته مجبور اولمش! قلبنده کی  
جریمه نی اللهه کوستره نك استعداد موت ایدیور.  
اشته بز بو تصاویری کورمدکجه کوبیدونک سلا حیل  
جریمه دار اولدینغی اعلان ایدن بر شاعره کمرامنی  
اکلامقدن اظهار عجز ایدم جکنز! خصوصیه بویه  
سائرلساندردن مأخوذ اولان کلماتک متأثر شعریه  
استعمالی ذوق سلیم اربابنه براز غریب کورونیور،  
ممکنسه او اسملری طبیعت لسان ایله متناسب بر  
کسوه تلفظه بوروندورمک جهته صرف غیرت  
ایتملیر!

زهره یا خود ناهید کبی بر یلرله هم زبان وصال  
اولان شاعریته ونه نوسارله اشتغال تزللی ایدم بیلیر؟  
زهره... آم! بورقاصه آسمانی، متأثر کوللری  
تهییج ایتک استدیمی؟ چنک آتش سرودینه مبکیانه  
بر آهنک حزن ویر. اوسماوی نغمه لده بر تاثیر  
روحانی وار. ملکلی دوشوندورر. شاعری  
کریان ایدر؛ کیجه نك سیاهنی اقلرک اوزرنه  
یاغدرمغه، بر زهره سود افزا سراق ملکوته  
نشرانوار ایتک ایچون صامتراق ضایعی طاعتمغه،  
ماهتاب ایله پیرا ایچمه، ترمین بولو طلرک زیر بار